

觀彌勒菩薩上生兜率天經疏

卷下

觀彌勒菩薩上生兜率天經疏卷下

京大慈恩寺沙門 窺基 撰

經今時優波離亦從座起頭面作禮而白佛言世尊
貧曰上明說經因起分下明發請廣說分一生補處授記
非輕亦相勸生嚴因寔重若不因請而說補處之相未
尊若無請而自談欣當生之心不重故放光集衆普告
有緣假請說經今興重業於中有二初辯外果後辯內
果辯外果中復分為三初波離啓請次世尊廣答後佛
告優波離若有比丘及一切大衆下結勸生彼初波離
請中有二初明請軌後明陳請此初也梵云鄔波離此

云近執佛為太子彼為佛臣親近太子執事之臣古人去
佛之家人非也今云優波離訛也如無垢稱經第三卷疏
說亦從座起者既見弥勒住立佛前波離忝斯起請是
故稱亦從座起者表聞弥勒之事當證菩提故從座
起頭面作礼者屈已尊首礼佛卑足一心頂戴虔敬
深故慙慢久除故為顯成佛尊貴因故無見頂相之
妙業故經世尊往昔於毗尼中及諸經藏說阿逸多
次當作佛 贊曰下明陳請於中有二初舉昔生今問
後顯今徵後問此初也前言世尊呼佛又言世尊談
佛談佛往昔說弥勒故世出世尊略言世尊即是第

十薄伽梵号梵云毗奈耶此云調伏調和控御身語
等業制伏滅除諸煩惱故即是廣律本也古云毗尼
或云毗尼皆訛略也近執明究律藏頗亦諳經授記
多在律中因斯起問阿逸多者此云無能勝彌勒字也
名稱勒字阿逸多往昔佛在靈山說法次我後當成佛
者名曰彌勒時有菩薩名曰慈氏從座而起白佛言
世尊願我未來作彼彌勒佛言可尔故今舉昔而
生今問經此阿逸多具凡夫身未斷諸漏此人命終當
生何處贊曰顯今徵後問也文有其二初舉今徵後

生之處所後舉今徵後生之淨穢此初徵也波離小器
情局下乘以已所知輒揣尊極小乘說於菩薩三劫
猶是凡夫菩提樹下三十四心方成聖者欲恚害覺時
亦未亡故言凡夫未斷諸漏生何處者三界何界五
趣何趣四生何生九有何有觀因驗果未遣心疑唯
願法王拍陳生域

經其人今者雖復出家不修禪

定不斷煩惱佛記此人成佛無疑此人命終生何國土
黃曰徵淨穢也從緇落髮形自出家常現威儀不修
禪定受姨母之妙服欲貪未遣瞞毫光而不識尚有
無知佛記果圓理深難測命終生處淨穢何方但以菩

薩不起滅定而現威儀將紹法王遂取金疊讓推先
德亦問毫光波離不知乍為無定情度觀相真疑有
惑然且成佛之先必居觀丈一生補處大小共同波離
狹已下心輒量上位亦有不知以發今請經佛告優波
離諦聽諦聽善思念之如來應正遍知今於此衆說
彌勒菩薩摩訶薩阿耨多羅三藐三菩提記蒼曰下
佛廣答有二初勸聽許說後依問具申此初也諦者
審也聽者聆也聆音察理貴在審情恐聽不明重令
諦聽極好作意名為善思憶持不忘名為念之如來
者第一号也涅槃經云如過去諸佛所行妙行三十七

品十一空等來至涅槃故云如來應者第二号也應已
永害煩惱賊故應不復受分段生死故應受世間妙供
養故正遍知者第三号也正知遍知名正遍知非邪知火
知知正滿故如次配之斷德思德智德阿耨等者阿之
言無釋多羅云上三言正獲言等又三言正菩提云覺
即是無上正等正覺諸法莫先名無上覺理事遍知
名正等覺離妄照真名正覺或智斷德名無上覺
簡異生邪知名正覺簡二乘分知名等覺簡菩薩
缺知復名正覺下一覺字貫通上文弥勒當來圓證

此覺獨得全名記者識也驗也佛自稱三德今為汝
等驗識慈氏菩薩當來成佛之事經此人從今十二
年後命終必得往生兜率天上 贊曰下依問具申於
中有二初答生處後答淨穢此初也從今十二年後者
表授記已永超生死十二因緣故兜率天而為補處
經今時兜率陀天上有五百億天子一一天子皆修甚深
檀波羅蜜為供養一生補處菩薩故以天福力造作宮
殿贊曰下答淨穢有二初正答淨穢後佛告優波離
此名兜率陀天十善報應下結此所因歎處勝妙初
中有三初五百億天子造外眾寶宮次一大神造法堂

內院後五大神於此三宮種種嚴飾夫諸天福力果出自然况補處天宮豈須他造欲顯福異餘天果從他作諸天敬重發願嚴因又諸天資具凡業所生知足宮園必由勝行外陳他作內表修因辟人王之內苑似天帝之喜園不說自然之報唯陳他造之果皆是菩薩未上生前預知欲生發願先作初中有三一諸天植因發願二時諸天子作是願已下明天願果遂三五百億龍王圍遶此園下龍王守護初復有三初明植因次我今持是等下正明發願後如是諸天子等下明行願皆同初中復二初明行因後明植因此初也修願行之所

因者一為修檀度初業者之妙行故二為供養菩薩
故菩薩盡此一生必定成佛福田既大故應植因因者
檀度緣者願助現傍資者天之福力由現天福傍資
因緣二種力故變成天宮因緣之果既在良田天之
福資變成宮殿五百億者由信進念定惠五根為
勝因內證法苑樂外感五百億天子為造宮殿修餘
万行資此五根故以百億為稱或是菩薩化預莊
嚴准報土中所有嚴飾勝出世間善根所起故此
所說五根為因經各各脫身旃檀摩尼寶冠長跪

合掌發是願言贊曰此明植因旃檀者檀香也色通赤白摩屈者如意神珠即身所著如赤白檀香色如意神珠及天頂上所戴寶冠神珠施者表當生當果所求皆得種智圓明得如意故脫寶冠者頂尊敬故受記作佛得軍尊故諸天並脫故言各各長跪者雙膝著地直身而住敬相圓故表修定惠恒無間故合掌者虔恭之良表心境冥證智合理故上明修行身業因下明發願語業因能起二者意業因三輪備故 經我今持是無價寶珠及以天冠為供養大心衆生故贊曰第二明發願於中有二

一起願因二正發願此初也慈氏廣以智悲運蒼生而
居彼岸情懷廣大居因位而号衆生摩訶薩埵云
大有情以義解之名大心衆生經此人來世不久當
成阿耨多羅三藐三菩提我於彼佛莊嚴國界得
受記者令我寶冠化成供具贊曰正明發願此人者
慈氏當在人中未生天趣預興此願故言此人於未
來世當成正覺我於彼佛成正覺時可愛莊嚴殊
勝國界得預彼會受記別者令我寶冠化成供具
供具者四事什物供養之具變寶冠而為供具顯
轉凡而修成聖位此但脫冠略無寶珠所願同故或

寶謂如意珠冠謂天冠合而論故若不尔者何故行
因冠珠兩拾及其發願獨有天冠故應後釋不違
正理經如是諸天子等各各長跪發私誓願亦復如
是梵曰第三行願皆同上雖惣說諸天已訖結集之
家恐生疑惑施豈諸天願唯一發今顯行該一切願亦
普同三業修因相皆等故經時諸天子作是願已
是諸寶冠化作五百萬億寶宮梵曰上明植因發
願自下第二明天願果遂於中有二初明十重嚴飾
後時樂音中下重顯前嚴十重嚴飾者一宮二園

三寶四光五花六樹七色八金九天女十音樂此初也
既有十地菩薩圍遶亦有凡夫十善往生復具八善
薩十力增上之所顯現官有十重故下經文菩薩福
力十善報應官謂法苑初地真智得空密舍創初
得故內修五根所以外感官等皆言五百億

經二寶官有七重垣一垣七寶所成梵曰此有二嚴
二地持戒生長善法守護六根感園圍遶三地證得
聞思修惠照了大乘教理行果智光明故感園寶成
此各七者二地持戒七支備故三地能照三乘教理行
果七支備故又具忍辱七種觀故一安受苦忍二諦察

法忍餘五並是耐忍。客忍謂親屬想。唯法想無常想。有苦想。攝受想。如幽讚上卷說。經二寶出百億光明。二光明中有五百億蓮花。贊曰。此有二嚴四地。修得菩提分法。惠焰增故。百行助成。感百億光。五地菩薩作四諦觀。出生死涅槃。智花敷故。內解五明。外感五百億花。經二蓮花化作五百億七寶行樹。二樹葉有五百億寶色。贊曰。此有二嚴六地。菩薩作十二因緣觀。狀生死苦樹。感七寶樹。故思風動樹。觀緣起。故七寶樹者。七十七智觀所引。故七地純作真無相觀。證法性色。感妙色。故經二寶色。有五百億間。

浮檀金光二閻浮檀金光中出五百億諸天寶女
贊曰此有二嚴八地相土皆得自在故能現起閻
浮檀金光此於諸金冢為第一近閻浮樹水下而
有此金色蔽諸光故偏舉此九地成就四無尋解
化利衆生出生善根感寶女故經二寶女住立樹
下執百億寶無數瓔珞出妙音樂贊曰此第十嚴
女執諸寶及衆瓔珞出妙音樂第十地中得陀羅尼
門三摩地門無尋神通感寶瓔珞寶莊嚴故雲雨
說法感樂音故此上十嚴皆因菩薩內具彼德外

感彼果十善業道十力智等隨應釋相 經時樂
音中演說不退轉地法輪之行 贊曰第二重顯前嚴
有四初廣第十樂音說法二廣第六七寶行樹三廣
第四破暗光明四廣第二垣牆高厚此初廣樂音也
不退有五一未信者今信信不退故二未定者定位
不退故三未得者得證不退故四未修者修行不退
故五已斷者不生煩惱不退故此乃三乘通不退地法
輪之行法輪能詮教行是所詮正法輪者唯所詮
行摧滅移轉行周圍故行即法輪今言法輪之行
故知教名法輪說彼五位所修行也以彼聽衆具三

乘故法輪有五。一自性。二眷屬。三因。四境界。五果。如別章中說。今言行者。即攝初三。或攝一切。經其樹生果。如頗梨色。一切衆色。入頗梨色中。贊曰。第三廣第六。七寶行樹。頗梨色者。謂紅赤色。此為根本。一切衆色。為此所含。皆入此色。顯所化生。至究竟位。皆歸一乘。經是諸光明。右旋婉轉。流出衆音。衆音演說。大慈大悲法。贊曰。第三廣第四。破暗光明。右旋婉轉者。表菩薩行。該一切。不離智惠光明。及惠所引。拔苦與樂。大慈大悲法者。大慈以無嗔。不害為性。大悲以無嗔。無癡為性。此各有三。一有情緣。緣假有情。二法緣。不

見有情但唯有法三無緣緣法相亦無唯有真理
或有情緣緣有情起法緣緣十二分教起無緣緣
真如起無所緣故弥勒慈尊導緣万物故演慈悲之
法經二垣牆高六十二由旬厚十四由旬贊曰第四廣
垣垣謂垣牆高六十二由旬者顯生彼天逾破六十二見
故厚十四由旬者御摧十四不可記事故此四嚴中初
二進行皆歸一乘發心證果有差別故次一破愚癡濟
有情類後一永滅外道邪見經有五百億龍王圍遶
此垣贊曰造宮之中下第三大段龍王守護有三明

守護二明兩寶樹三吹樹說法此初也法王都化天神
警衛恐致外侵龍王守護五百億者顯內具五力四
魔不能屈伏外有龍王非人不能逼害內持五戒諸
惡不侵外感龍王圍遶橫災自滅矣經一一龍王兩五
百億七寶行樹莊嚴垣上贊曰明兩七寶樹內因五
力超七聖財故外感龍王兩七寶樹嚴飾七聖財者謂
信戒聞捨惠慚愧經自然有風吹動此樹樹相振
觸演說苦空無常無我諸波羅蜜贊曰此吹樹說法
風喻大悲任運所擊真俗二智樹相振觸故演如是
等法所謂一切有漏逼迫自性皆名為苦所執法體

都無名空有為起盡遷派生滅名無常惣無自體一
常實我名無我故由此能令諸修行者越到彼岸名
波羅蜜經余時此宮有一大神名牢度跋提即從座
起遍礼十方佛發弘誓願贊曰自下明外果中次下
第二明一大神為造法堂慈氏內院以堂為主名造法
堂據實而言具造內院至下當悉於中有三一發願
二既發願下兩願果遂第三余時十方無量下諸天
觀勝發願往生初中有二一明儀軌二明發願此初
也普憑威力遍礼十方欲解廣大發弘誓願雖知
凡聖同感內院方成菩薩力增多由聖現一大神者表

無漏智能起妙土佛地論云勝出世間善根所起如
如意神珠有神用故亦是凡夫發菩提心加行智感
經若我福德應為彌勒菩薩造善法堂令我額上自
然出珠贊曰正明發願宣妙義含名善法堂表親尊
重珠從額出內院宮宇如下自陳法堂尊勝故標願
首經既發願已額上自然出百億寶珠瑠璃頗梨一
切衆色無不具足如紫紺摩尼表裏映徹贊曰下
明願遂於中有五一明作宮第二時諸園中下作園
三亦有七寶大師子座下作座四持宮四角有四寶

柱下作柱五如是天宮有百萬億無量寶色下天宮天女
寶色皆同作宮中有八一明作宮二欄楯三化生天子
天女四手生蓮花五光明六樂器七起舞八說法作宮
中有二初出珠後作宮此初也琉璃碧色頗梨紅色一
切衆色皆具足者額上之珠舉碧紅為首自餘衆
色皆悉具足紫謂紫色紺謂深青如紫青色如意
神珠表裏映徹經此摩尼光迴旋空中化為四十
九重微妙寶宮 贊曰此作宮也四十九重者持戒
堅牢宮遂重密經二欄楯萬億梵摩尼寶所共合
成贊曰第二作欄楯也經諸欄楯間自然化生九億

天子五百億天女贊曰第三化生天子天女經二天子手中化生無量億万七寶蓮花贊曰第四手生蓮花經一一蓮花上有無量億光贊曰五無量光明經其光明中具諸樂器如是天樂不鼓自鳴贊曰第六光有樂器不須鼓擊而自鳴也經此聲出時諸女自然執衆樂器竟起歌舞贊曰七樂聲既動女起歌舞經所詠歌音演說十善四弘誓願諸天聞者皆發無上道心贊曰第八說法不作生死之戲皆演十善行四弘誓願者一未離苦者願令離苦二未得樂者願令得樂三未發心斷惡修善者願發心斷惡

修善四未成佛者願早成佛亦云知苦斷集證滅
修道諸天聞已發大乘心此由聖行八聖道支八解脫
業凡持八戒不煞不盜不婬不妄語不飲酒不香鬘塗
身不歌舞作唱不昇高廣大牀不非時食如其次第
之所感得聖凡衆行助正智等之所集成以惠為先安
布間飾故能致此不尔何緣有斯勝處經時諸圍
中有八色瑠璃渠二渠有五百億寶珠而用合成一
一渠中有八味水八色具足其水上涌遊標棟間於四
門外化生四花水出花中如寶花流二花上有二十

四天女身色微妙如諸菩薩莊嚴身相手中自然
化五百億寶器二器中天諸甘露自然盈滿左肩荷
佩無量瓔珞右肩復負無量樂器如雲住空從水而
出讚歎菩薩六波羅蜜贊曰第二天女領遂中大神
作國於中有二初列七事莊嚴後結生彼得初中有
七八色渠八色渠者青黃赤白紅紫碧綠二寶珠
合成三八味水即前八色皆悉具足八味水者八功德
水可愛味故八功德水者一清二輕三冷四濡五香六
美七飲時不損喉八飲已不傷腹四水涌遶探門外
化生四花八色之水從花而出水色交映如寶花流五

花生天女二十四者持七支戒防三世惡別三心受故所
感果有二十四手出寶器甘露滿中表同法味故
滿甘露七此諸天女左佩瓔珞右負樂器從八色水而出
如瑞雲住空讚歎菩薩諸波羅蜜凡持七支戒身三
語四及修七聖財聖行七覺分除七睡眠之所招感
此等天女或非實女並佛菩薩所共化為莊嚴道場
或是實女宿持淨戒精進不犯之所感現不可凡心
之所測度 經若有往生兜率天上自然得此天女
侍御贊曰後結生彼得也 經亦有七寶大師子座高四
由旬閼浮檀金無量衆寶以為莊嚴贊曰第三天眼明

願途中大神作座於中有十此文有二一座量高廣清淨
法界內含四德化身之座高四由旬一金寶莊嚴三業妙
行所嚴飾故言七寶者三文不同無量壽經云金銀瑠
璃頗梨珊瑚瑪瑙磤磤恒水經云金銀珊瑚真珠磤磤明月
珠摩尼珠佛地論云一金二銀三玻璃四頗脰迦五半呼
娑羯洛婆當磤磤也六遏濕摩羯婆當瑪磤也七
赤真珠雖有帝青大青石藏并截非常所重故
多不說三文不同隨方愛樂若別不可釋其不同
所以經座四角頭生四蓮花一一蓮花百寶所成一一

寶出百億光明其光微妙化為五百億衆寶雜花
莊嚴寶帳 贊曰第三座生四花慈悲喜捨內修四無
量外感四花故四百寶嚴飾十善業道自作教他
讚歎慶慰少分多分全分少時多時盡形行故二
有十名為百行內修百行外感百寶所成所以
下多說百數五寶放光明智破暗故六雜花莊嚴
衆行助故 經時十方百千梵王各各持一梵天妙
寶以為寶鈴懸寶帳上時小梵王持天衆寶以為羅
網弥覆帳上今時百千無數天子天女眷屬各持寶花
以布座上 是諸蓮花自然皆出五百億寶以手執白

佛侍立帳內 贊曰七內修四辯外有大梵懸鈴
大人敬重故八內修懃持外有小梵張網九天子天
女持花布座十寶女執拂侍立帳內皆由發願凡
除十惡修十善戒菩薩亦持十無盡戒之所招感
經持宮四角有四寶柱二寶柱有百千樓閣梵
摩尼珠以為交絡時諸閻閻有百千天女色妙無
比手執樂器其樂音中演說甚空無常無我諸波
羅蜜 贊曰第四大段願遂中大神造柱有四持宮
四角各有一柱二寶柱各有寶珠樓閣梵摩尼珠者
謂淨摩尼或大梵王如意珠也此柱皆以梵王如意

珠而為交絡三閣間天女手執樂器四樂音演法內修
四念住心恒不動外感四柱種種莊嚴 經如是天宮有
百萬億無量寶色二諸女亦同寶色 贊曰第五大段
願遂中天宮天女寶色皆同欲顯內院種種莊嚴欲
令有情同入佛惠故 經今時十方無量諸天命終皆
願往生兜率天宮 贊曰大神造堂中大段第三諸天觀
勝發願往生弥勒生已方皆發願亦有未生而發願
者經時兜率天宮有五大神 贊曰自下第三大段
明五大神於內院外宮種種嚴飾於中有二初標後

顯此標也由菩薩等內修五蘊妙用無方外感五神
威力無比五蘊者一戒蘊二定蘊三惠蘊緣有為惠
四解脫蘊勝解數也五解脫知見蘊緣無為惠經第
一大神名曰寶幢身兩七寶散宮牆內二寶珠化成
無量樂器懸殿空中不鼓自鳴有無量音適衆生意
贊曰內持戒蘊外感大神名曰寶幢戒德尊高如寶
幢高顯故內具七支外兩七寶由持戒故各稱人心感
得樂音適衆生意經第二大神名曰花德身兩衆花
彌覆宮牆化成花蓋一一花蓋百千幢幡以為導引
贊曰內修定蘊外感大神名曰花德定水澄清出妙花

故起四無量雲普覆四生故身雨衆花化成花蓋無
量衆德助嚴禪定威百千幢幡以為導引 經第三
大神名曰香音身毛孔中雨出微妙海此岸旃檀香
其香如雲作百寶色遶宮七匝 贊曰內具惠蘊說法
利物破無明是外威大神名曰香音智惠可重如海
此岸旃檀香海此岸旃檀香六鉢價直娑婆世界遶
宮七匝者除七漏故七漏者謂見漏念漏受漏思惟漏
根漏惡漏親近漏 經第四大神名曰喜樂雨如意珠一
一寶珠自然住在幢幡之上顯說無量歸佛歸法歸
比丘僧及說五戒無量善法諸波羅蜜饒益勸助善

提音者贊曰內嚴解脫蘊外感大神名曰喜樂離
邪解憂苦得勝解喜樂心既決定修行能成故兩如
意珠也心常決定住於真如外感神珠住在幢幡之上
既說三歸又說五戒及諸善法饒益者利樂義勸者
讚勉義助者資益濟借義音謂音聲者謂行者此
意惣顯神珠演說三歸五戒利樂勸勉求大菩提教
之行者經第五大神名曰正音聲身諸毛孔流出衆
水二水上有五百億花二花上有二十五玉女二玉女
身諸毛孔出一切音聲勝天魔王所有音樂贊曰內

修解脫知見蘊外感大神名正音聲智順正理如正音
聲出衆水者智水汲潤正覺芽故生五百億花者嚴
衆德故二十五玉女者利益出生二十五有諸善根故此
諸玉女出諸聲者二十五有一切衆生皆歸念故出世間
聲美妙可愛故勝天魔后所有音樂或五大神凡持五
戒之所感得亦是五通之所招集神境通他心宿命天
眼天耳如次之所感現經佛告優波離此名兜率陀天十
善報應勝妙福處贊曰谷淨穢中上來第一正蒼淨穢
下結此所因歎慶勝妙於中有二結因二歎勝此結因
也十不善業得果有四異熟二等流三增上四士用十

善業道能得五果加離繫果無漏得四除異熟果有
漏得四除離繫果二種相資故得五果下明內身
即異熟果又云米一時中成就五百億天子得不退
地即離繫果此長壽等相似名等流果此外果有
二增上二士用如瑜伽論第五十九及對法第八卷
廣說十惡業道所有果報觀彼即是十善道果此
中惣說十善道果不別顯示然諸善法十善攝盡
業道據重十善通輕據此惣攝一切善盡隨義應知
經若我住世一小劫中廣說一生補處菩薩報應及十
善果者不能窮盡今謂汝等略而解說 贊曰此歎

勝也一小劫者日月歲數劫也三劫行因果應無量化
佛亦現境界難思下凡十善因果亦大故於小劫說
亦難盡即是聖凡二因之所招感內外二果上下兩
品所招集故今為小器略而解說廣則無邊 經佛
告優波離若有比丘及一切大衆不厭生死樂生天
者愛敬無上菩提心者欲為弥勒作弟子者當作是
觀 贊曰明外果中自下第三結勸生彼於中有三
一亦生彼人二教生彼行三結成正觀此亦生彼人也
略有三種人一者菩薩行法不厭生死苦行利

樂故樂生天者託勝所依修妙行故於一切生處受
尊貴故處劣自體行不圓故生天得見彌勒佛故不
同二乘獸生死苦恐天放逸不樂生也二者愛敬無上
菩提心者樂修勝行求大菩提於彌勒所聞大法故
不樂大乘希小果者隨受生處欣沮緣故三者欲為
彌勒作弟子者願於惡界為作善利苦有情所希
行救濟不願淨土作餘佛弟子彼無苦有情可行
救濟無苦可厭欣心不深故又釋迦末法持戒犯
戒有戒無戒釋迦皆囑彌勒度之自揣解行難生
淨土可為彌勒佛作弟子者於上所說天宮處所

應作是觀其觀者何經作是觀者應持五戒八齋
具足身心精進不求斷結修十善法二思惟契率陀
天上上妙快樂 贊曰教生彼行也此修五因一持五

戒二持八戒三持具足戒即是出家五衆所受之戒皆
名具足戒四身心精進不求斷結精謂精純無惡雜
故進謂勝進不懈怠故不求斷結者非作精進六
行斷結六行斷結者便生上二界故五修十善法今
此且論凡夫散心五蘊因行所感內外二院增上果
業未是具細分別解釋生彼業因廣勸生中方具教
示雖修此因要須二思惟彼天上妙快樂迴願生彼前

行非觀觀為首故思惟彼天上妙樂故名之為觀
經作是觀者名為正觀若他觀者名為邪觀 贊曰第
三結成正觀去佛時遙病重行闕受佛付囑欣當佛度
末代津樑真為正觀業行淺微智量踈拙欣生報
土越今所望不稱病行名為邪觀 經今時優波離即
從座起整衣服頭面作礼白佛言世尊兜率陀天上乃
有如是極妙樂事 贊曰上明外果下明內果於中有三
一啓請二廣答三佛滅度後下勸生於彼 啓請有三
請儀二歎勝三正請 此中具二作礼已上請儀白佛已

下歎勝經今此大士何時於閻浮提沒生於彼天
贊曰正請也有二問此沒二問生彼 經佛告優波離
却後十二年二月十五日於波羅奈國劫波離村波婆
利大婆羅門家本所生處結跏趺坐如入滅定 贊曰
下谷有四一谷此沒二時兜率陀天七寶臺內下谷生
彼天三閻浮提歲數下承言便故說下生時節明住
天之壽量也四佛告優波離是名弥勒菩薩下惣結
初中有七一命終年月二涅槃處所三入滅形相四終後
生相五舍利之形六圓光神異七天人供養此文有三
却後十二年者表聞授記得超生死十二因緣二月者

涅槃經第三十六二月者陽春之月万物生長種植根
栽花果敷榮江河盈滿百獸孚乳是時衆生多生
常想為破此常說一切法悉是無常唯說如來常
住無變於六時中孟冬枯萃衆不愛樂春陽和液人
所貪愛為破衆生世間樂想故演說常樂我淨亦
尔言二月者喻於如來二種法身冬不樂者喻於智
者不樂如來無常入於涅槃二月樂者喻於智者樂
於如來常樂我淨種植者喻聞法歡喜發菩提心
種諸善根江河盈滿者喻於十方諸大菩薩來詣我
所諮受如是大涅槃典百獸孚乳者喻我弟子生諸

善根花喻七覺菓喻四果以是義故二月涅槃師子
吼言如來初生出家成道轉妙法輪皆以八日何故涅
槃獨十五日善男子如十五日月無虧盈故諸佛亦尔
八大涅槃無有虧盈如十五日月盛滿時有十一勝事一
能破闇二令見道非道三令見邪正四能除蘊蒸遂
得清涼五能破壞螢火高心六息一切盜賊之想七除
衆生畏惡獸心八能開優鉢羅花九合赤蓮花十發
行人進路之心十一令諸衆生樂受五欲多獲快樂如
來滿月亦復如是一破無明暗二演說正道破於邪道

三開示衆生生死邪險得涅槃平正四令人遠離貪瞋
癡熱五破壞外道光明六破壞煩惱怨賊七除滅怖畏
五蓋之心八開敷衆生種善根心九覆蓋衆生五欲之
心十發起衆生進修趣向大涅槃行十一令諸衆生樂
修解脫故十五日入大涅槃義理既同故涅槃之時與佛
無異上明歲月二者涅槃處所於本國本村父名波婆利
本生之處釋迦佛於迦維羅衛國生於拘尸那國入滅
表此化緣已畢餘方教化處胎經第三說我身今滅
不復更生在閻浮提於十方面三十二城諸佛剎中遍
施佛事此緣盡故彼不盡故慈氏本生處入滅者

此緣未盡表於此滅復於此生行化利故三者入滅形
相結跏趺坐如入滅定釋迦北首右脅枕手而卧入
滅者四威儀中卧為極故表釋迦佛化緣盡故欲卧
必坐顯弥勒佛利樂未盡當得果時事方終故二相
不同表極未極有差別故如入滅定者似入涅槃實未
圓寂方上生故 經身紫金色光明艷赫如百千日上
至兜率陀天 贊曰第四終後生相身紫金色者表利
當生取第一故如百千日者能破衆生癡常想故
經其身舍利如鑄金像不動不搖 贊曰第五舍利形相
也舍利者稻穀也馱都者佛體大小如稻穀量故以為

名釋迦如來碎身舍利表分身十方處處導利。勒舍利全身且居兜率行一佛化故不動不搖者表佛法身本無生滅動搖作佛事故。經身圓光中有首楞嚴三昧般若波羅蜜字義炳燃。贊曰第六圓光神異梵云三摩地此云等持三昧者訛略也大乘之中妙定及惠字之與義二俱炳然炳然者煥爛之異名也此意即顯圓光之中有定及惠字義煥爛溢目顯燃但矚其文而義顯故義稱顯現不尔如何光能現義顯身雖入滅禪定智惠猶來明煥。經時諸天人

尋卽為起衆寶妙塔供養舍利。贊曰：第七天人供養身，雖入滅法，利猶存。經時，兜率陀天七寶臺內，摩尼殿上，師子牀座忽然化生。贊曰：自下第二蒼生，彼天於中有六生處。二生相三身量，莊嚴四異聖神，變五相好光明。六說法利益，此初也。七寶臺者，七財飾故。摩尼殿者，卽法堂也。師子座者，於彼臺中法王位，極得無畏故。忽然化生者，於四生中得最勝故。自餘諸天於父母膝上忽然化生，彌勒乃於師子床座化生。凡聖異故，欲顯菩薩離欲生故。經於蓮花上結跏趺坐，身如閻浮檀金色。贊曰：第二生相於蓮花上者，於師子座上更有蓮花，一切佛座淨土等中皆坐蓮花，表出生死。

之淤泥漚透二乘之濁水故結跏趺坐者如龍蟠屈以左押
右降伏而坐以右押左吉祥而坐既將說法顯作吉祥
身如金色表可寶重經長十六由旬三十二相八十種好
皆悉具足頂上肉髻髮紺瑠璃色釋迦毗楞伽摩尼百千
萬億甄祢迦寶以嚴天冠贊曰第三身量莊嚴長十六
由旬者德高無比能越六道超十地故相好之義如下當
說壽量隨天亦同俗故量越天衆真德高故肉髻上髮
紺瑠璃之色釋迦毗楞伽摩尼者謂能種種現如意珠及甄
祢迦寶以嚴天冠甄祢迦寶狀如延珪寶似赤瑠璃經
其天寶冠有百萬億色一一色中有無量百千化佛諸

化菩薩以為侍者復有他方諸大菩薩作十八變隨意自在住天冠中

贊曰第四異聖神變意願心首常

共諸佛十方菩薩為伴侶故十八變者一震動一熾然三流布四示現五轉變六往來七卷八舒九眾像入身十同類往趣十一隱十二顯十三所作自在十四制他神變十五能施辯才十六能施憶念十七能施安樂十八放大光明如瑜伽第三十七說經弥勒眉間有白毫相光流出眾光作百寶色三十二相二相中有五百億寶色二好亦有五百億寶色二相好艷出八万四千光明雲 贊曰第五

相好光明眉間毫相第三十二相諸佛毫相皆眉間者
極端嚴故面為尊上眉間表兩中故顯佛恒時貴處中
道毫相若舒便長無量卷如秋月圓皎鮮淨白類珂
雪輝煥衆景白為色本表作情依時有卷舒顯隨緣
現流出衆光者彰演五乘相中寂勝所以偏說下聖無
有由此獨陳三十二相者依大般若第三百八十一云佛
言善現云何如來三十二相善現世尊足下有平滿相
妙善安住猶如奩底地雖高下隨足所蹈皆悉坦然
無不平等觸是為第一世尊足下千輻輪紋輞轂衆相
無不圓滿是為第二世尊手指皆悉柔軟如觀羅綿勝

過一切是為第三世尊手足一指間猶如握王威有網鞞金色
紋絡紋同綺畫是為第四世尊手足所有諸指圓滿纖
長甚可愛樂是為第五世尊足跟廣長圓滿與趺相稱
勝餘有情是為第六世尊足趺修高充滿柔軟妙好與
跟相稱是為第七世尊雙腓漸次纖圓如鬻泥耶仙鹿
王腓是為第八世尊雙腓修直漸次臍圓如烏王臍平
立摩臍是為第九世尊陰相勢峯藏密其猶龍馬
亦如烏王是為第十世尊毛孔各一毛生柔軟紺青右旋
婉轉是為第十一世尊髮毛端皆上靡右旋婉轉柔軟
紺青嚴金色身甚可愛樂是為第十二世尊身皮細

薄潤滑塵垢水等皆所不著是為第十三世尊身皮
皆真金色光潔晃曜如妙金臺衆相莊嚴衆所樂見
是為第十四世尊兩足二手掌中頸及雙肩七處充滿
是為第十五世尊肩項圓滿殊妙是為第十六世尊
膊腋悉皆充滿是為第十七世尊容儀洪滿端直是
第十八世尊身相修廣端嚴是為第十九世尊體相縱
廣量等周匝圓滿如諾瞿陀樹是為第二十世尊領臆
并身上半威容廣大如師子王是為第二十一世尊常光
面各一尋是二十二世尊齒相四十齊平淨密根深白

喻珂雪是二十三世尊四牙鮮白鋒利是第二十四世
尊常得味中上味喉脉直故能引身中諸支卽脉
所有上味風熱痰病不能為雜由彼不雜脉離沉浮
延縮損壞擁曲等過能正吞咽津液流通故身心適悅
常得上味是第二十五世尊舌相薄淨廣長能覆面
輪上至髮際是二十六世尊梵音詞韻和雅隨衆多
少無不等聞其聲洪震猶如天鼓發言婉約如頻
伽音是二十七世尊眼聰猶若牛王紺青齊整不相雜
乱是為二十八世尊眼睛紺青鮮白紅環間飾皎潔
分明是第二十九世尊面輪其猶滿月眉相皎淨如

天帝弓是為三十世尊眉間有白毫相右旋柔軟
如觀羅綿鮮白光淨喻珂雪等是三十一世尊頂上
烏瑟膩沙高顯周圍猶如天蓋是三十二善現是名三
十二大丈夫相善現云何如來應正等覺八十隨形好
善現世尊指甲狹長薄潤光潔鮮白如花赤銅是為
第一世尊手足指圓纖長臍直柔軟節骨不現是為
第二世尊手足齊等無差忒諸指間悉皆充密是為
第三世尊手足圓滿如意軟淨光澤色如蓮花是為
第四世尊筋脉蟠結堅固深隱不現是為第五世尊
兩踝俱隱不現是為第六世尊行步直進庠序如龍

烏王是為第七世尊行步威容齊肅如師子王是為第八世尊行步安平不過不減猶如牛王是為第九世尊行步進止儀雅猶如鵝王是為第十世尊迴顧必皆右旋如龍烏王舉身隨轉是第十一世尊支節漸次臍圓妙善安布是為第十二世尊骨節交結無隙猶如蟠龍是第十三世尊膝輪妙善安布堅固圓滿是第十四世尊隱處其紋妙好威勢具足圓滿清淨是為十五世尊身皮潤滑柔軟光悅鮮淨塵垢不著是為第十六世尊身容敦肅無畏常不怯弱

是為十七世尊身皮堅固稠密善相屬著是第十八
世尊身支安定敦重曾不掉動圓滿無壞是第十
九世尊身相猶如仙王周匝端嚴光淨離瞋是第二
十世尊身有周匝光明於行時恒自照曜是第二
十一世尊腹形方正無欠柔軟不見衆相莊嚴是第二
十二世尊臍深右旋圓妙清淨光澤是二十三世尊臍厚
不究不凸周匝妙好是第二十四世尊皮膚遠離疥癬
亦無癰點疣贅等過是二十五世尊手掌平滿柔軟
足下安平是二十六世尊手紋深長明直潤澤不斷是
二十七世尊脣色光潤丹輝如頻婆果上下相稱是二

十八世尊面門不長不短不大不小如量端嚴是第二
十九世尊舌相柔軟廣長如赤銅色是為三十世尊發
聲威振深遠如為王吼明朗清澈是為第三十一世尊
音韻美妙具足如深谷響是為三十二世尊鼻高修而
且直其孔不現是三十三世尊諸齒方整鮮白是三
十四世尊諸牙圓白光潔漸次鋒利是三十五世尊眼睛
青白分明是三十六世尊眼相修廣如青蓮花甚可愛
樂是第三十七世尊眼瞼上下齊整稠密不白是為
第三十八世尊雙眉長而不自皺而細軟是三十九世尊
雙眉綺靡順次紺瑠璃色是第四十世尊雙眉

高顯光潤形如初月是四十一世尊耳厚廣大修長輪
朶成就是四十二世尊兩耳綺麗齊平離衆過失是四
十三世尊容儀能令見者無捨無染皆生愛敬是四
十四世尊額廣圓滿平正形相殊妙是四十五世尊身
分上下圓滿如師子王威嚴無對是為第四十六世尊
首髮修長紺青稠密不白是四十七世尊首髮香潔細
軟潤澤右旋婉轉是四十八世尊首髮齊整無乱亦
不交雜是四十九世尊首髮堅固不斷永無墜落是第
五十世尊首髮光滑殊妙塵垢不著是五十一世尊身

分堅固充實逾那羅延是五十二世尊身體長大端直
是五十三世尊諸竅清淨圓好是五十四世尊身支勢
力殊勝無與等者是五十五世尊身相衆所樂觀常無
厭足是五十六世尊面輪脩廣得所皎潔光淨如秋滿月
是五十七世尊顏良舒泰光顯含咲先言唯向不背是五
十八世尊面良光澤熙怡遠離頻蹙盛青亦等過是五
十九世尊身皮清淨無垢常無臭穢是第六十世尊
所有諸毛孔中常出如意微妙之香是六十一世尊面門
常出最上殊勝之香是六十二世尊首相周圍妙好如
未達那亦如天蓋是六十三世尊身毛紺青光淨如乳

雀項紅輝綺飾色類赤銅是六十四世尊法音隨衆大小不增不減應理無老是六十五世尊頂相無能見者是六十六世尊手足指網分明莊嚴妙好如赤銅色是第六十七世尊行時其足去地如四指量而現印紋是六十八世尊自持不待他衛身無傾動亦不逶迤是六十九世尊威德遠振一切惡心見喜恐怖見安是為七十里世尊音聲不高不下隨衆生意和悅而言是七十一世尊能隨諸有情類言音意樂而為說法是七十二世尊一音演說諸法隨有清類各令得解是七十三世尊說法咸依次第必有因緣言無不善是第七十四世

尊等觀諸有情類讚善毀惡而無愛憎是七十五世
尊所為先觀後作軌範具足令識善淨是七十六世尊
相好一切有情無能觀盡是七十七世尊頂骨堅實圓
滿是七十八世尊顏容常少不老好巡舊處是七十九世
尊手足及胷臆前俱有吉祥喜旋德相紋同綺畫色類朱丹
是為八十善現是名八十隨形好善現如來應正等覺成就
如是諸相好故身光任運能照三千大千世界無不遍滿若
作意時即能普照無量無邊無數世界然為憐愍諸
有情故攝光常照面各一尋若縱身光即日月等所有

光明皆當不現諸有情類便不能知晝夜半月四時歲
數所作事業皆不能成佛聲任運能遍三千大千世界
若作意時即能遍滿無量無邊無數世界然為利樂諸
有情故聲隨衆量不減不增善現如是功德勝利我先
在菩薩位修行般若波羅蜜多時已能成辦故今相好
圓滿莊嚴一切有情見者歡喜皆獲殊勝利益安樂
如是善現菩薩摩訶薩行深般若波羅蜜多時能以
財法二種布施攝諸有情是為甚奇希有之法三十
二相由行五修一發心二長時三無間四懸重五無餘之所
感得如瑜伽論第三十七說故二相有五百億光明十

隨形好中由行八万四千教行逗八万四千根病之所感
得故二好艷出八万四千光明雲艷者美義非是焰義
雲者出生蔭覆之義八万四千者諸波羅蜜門也始
從光曜終至雙林分布舍利轉妙法輪等三百五十度
皆成六度合二千一百除貪瞋癡等分行由此復成八
千四百又各能除四大六塵所生過失故惣合成八万四千
經與諸天子各坐花座晝夜六時常說不退轉地法輪之
行 贊曰第六說法利益於中有三陳所說二明利益
三顯常業此初也各坐花座者表菩薩衆並出生死之
淤泥故晝三夜三名為六時佛住六時恒起六通神變

說六度行拔六趣生死破六隨眠超六塵故經經一時中
成就五百億天子令不退於阿耨多羅三藐三菩提
贊曰此明利益成就五百億天子者令生五根具足五力
當圓五眼超五道故經如是處兜率陀天晝夜恒說此
不退轉法輪度諸天子贊曰顯佛常業彼恒光明都
無暗夕似起睡相得其夜名佛即不然常度天子經閻
浮提歲數五十六億萬歲今乃下生於閻浮提如彌勒下
生經說贊曰三明下生時節即住彼天之壽量也梵云
瞻部此樹名也言閻浮提訛也此洲從樹為名四洲所

由如餘處說此間四百年當彼天一日一夜數彼三十日
為月十二月為年彼天壽四千歲慈氏窮天壽而方下
生命不中我故此經云當閻浮提歲數五十六億萬歲者
依瑜伽第四及立世經毗婆沙等計此間四百年為彼
天一日一夜此間四千年為彼十日此間四萬歲為彼天
百曰彼天一年當此一十四萬四千年彼天十年當此間
一百四十四萬年彼天百年當此間一百四十四億歲彼天
千年當此一千四百四十億歲彼天四千年當此間五
千七百六十億歲即與經文不同今以理而推初以人間四
百年為彼天一日夜復以百而為一數計之即相當矣一

當百故人間四年為彼天一日人間四十年為彼天十日
人間四百年為彼百日人間一千四百四十歲為彼一年
人間一万四千四百年為彼天十年人間一億四万四千
歲為彼百年人間一十四億四万年為彼千年彼四千
年當人間五十七億六万歲西方有四億數一十萬為
億二百萬為億三千万為億四万万為億當人間五十七
億六万歲以理而推以千万為億計之即相當矣是故
於經億字之上應加七字其前六字應万字上安只恐
梵本頌有參差亦慮譯家自成謬筭不尔便少一億五
万歲理定應尔智者應思然此年數四文不同賢初定意

經云稱勒五億七十六萬歲當下作佛其五億者即五十億前以十萬為一億成五十億此以百萬為一億故成五億七十万者即七億也十萬為一億故六萬數同更不勞釋唯此一經增減雖殊與論筭同自餘皆別雙卷沮洳經云一億四千歲全不相當此經及一切智光明仙人慈心三昧經云五十六億萬歲如前以弁菩薩處胎經及賢愚經云五十六億七千万歲其六字應云七十字應云六其六千万者以百萬為一億筭之六千万者六十億也義不相違如是推尋雖乖古疏尋文

究理亦應無謬菩薩在天壽量曾無中夭生住人間大
卷成佛經說壽六萬歲天盡其年人間長壽者時宜
現故不同釋迦天盡其年人間早滅恐衆生厭故化緣
畢故處胎經說彌勒人間壽八萬四千歲若依彼說不
須和會如下生經陳下生事天利既畢入機復熟故乃
下生 經佛告優波離是名彌勒菩薩於閻浮提漫
生兜率陀天因緣贊曰第四大段惣結成上說因緣者
相狀所由為利益故終沒上生皆有所由名因緣故 經佛
滅度後我諸弟子若有精進修諸功德威儀不缺掃塔
塗地以衆名香妙花供養行衆三昧深入正受讀誦經典

贊曰明內果中自下第三勸生於彼於中有三初勸生
彼行次衆發希願後結成正觀初文有五弟子修六
事法皆願往生三八部聞名敬喜往生三三衆犯戒悔淨
往生四歸依不退當得度脫五四部弟子發願往生
者修十善行念名恭敬等滅罪多少雖有五段束之
為三初三段明三品往生次一段明作歸依惣勸生彼
證得善利後一段亦歸依者滅罪多少初之一段明三
品往生於中分三初一段明上品行生次一段明中品行生
後一段明下品行生初中有六示其六法二教其迴願
三正明往生四諸天讚勸五生彼利益六惣結成上此

初文也六事法者一精勤修福悲敬田中所作業等
二威儀不缺堅守諸戒自住軌則等三掃塔塗地修
飾道場整理制多等四香花供養四事什物隨給濟
等五凡夫行衆三時聞思等定聖人深入正受隨所得禪
或凡三昧非六行定六行定者必上生故雖住聞思亦
名三昧六讀誦經典演說修習十法行等且舉六
業備勝易行以為上首有此六事其中二具攝衆
業若具修六或能修五上上品生若修三四上中品生若
修一二下品生經如是等入應當至心雖不斷結如

得六通 贊曰第二教其迴願文勢有三初歎業勝次正
稱念後勸迴願此即初也雖諸凡夫不斷結使異於聖
者若修六事神用廣大必定往生如得六通聖者無異
經應當繫念念念佛形像稱弥勒名 贊曰次明稱念雖
復修行仍須正念心想形容口恒稱念經如是等輩若
一念頃受八戒齋修諸淨業發弘誓願 贊曰此明迴願
如上所說行六事輩極少但能於一念頃至心不犯持八戒
齋隨修淨業發願資助迴向定生言一念者非餘時犯
唯一念持初唯發願一念持故何況多時 經命終之後
譬如此士屈伸臂頃即得往生兜率陀天於蓮花上結

跏趺坐。贊曰：第三明往生有二生時。卽譬如壯士屈伸
臂。頌願業決定。生便速疾。二生處所。蓮花之上。結跏趺坐。定
出生死除煩惱。故既生彼天。修於梵行。故於蓮花上結跏趺坐。
經百千天子作天妓樂。持天男陀羅花。摩訶男陀羅花。以
散其上。贊曰：諸天讚勸有三。初散花。次讚歎。後勸歸依。初作
樂散花也。摩訶男陀羅花。此云大適意花。經讚言善哉善哉。
善男子。汝於閻浮提廣修福業。來生此處。贊曰：次讚
歎也。歎美深極。重言善哉。由習大因。今成勝果。經此處
名兜率陀天。今此天主名曰彌勒。汝當歸依。贊曰：後勸歸
依也。處名知足。由是不耽生死。主号慈尊。故能慈於苦厄。

經應聲即礼礼已諦觀眉間白毫相光即得超越九十
億劫生死之罪贊曰五生彼利益於中有二初滅罪也無間
罪劫一增一減餘處罪劫年數為之末劫凡夫行多庸
鄙能起惡境祈彼淨方夙運不殫生為上品況乎靈境
矚在毫光心專諦觀豈不起生死者也經是時菩薩隨
其宿緣為說妙法令其堅固不退轉於無上道心贊曰後
獲得也隨說宿緣令憶前業識因知果自成不退者不
退者更為堅固隨其位次成上發心 經如是等衆生
若淨諸業行六事法必定無疑當得生於兜率天上值

遇彌勒 贊曰第六惣結成上於中有四一得生二隨下三
值賢劫佛四值星宿劫佛此初也三業俱淨六事齊修
後生彼天此事何惑隨修六法少淨三業心祈不二後定上
生經亦隨彌勒下閻浮提第一聞法贊曰第二亦隨下也
父子之道尚感天然虎嘯風生此事何惑六事行滿三業
淨圓上品生者隨初會而聞法經於未來世值遇賢劫
一切諸佛 贊曰第三值賢劫佛也善業純備正見恒生既
具福智之資理逢賢劫千佛經於星宿劫亦得值遇諸
佛世尊於諸佛前受菩提記 贊曰四值星宿劫佛也小乘中
說初初逢七万五千佛第二初逢七万六千佛第三初逢七万七

千佛依涅槃經第六卷行四依中初依在地前逢五恒河
沙佛第二依在初地至六地逢六恒河沙佛第三依在七八
九地逢七恒河沙佛第四依在十地逢八恒河沙佛依仁王經
初地菩薩得值百億佛二地逢千億佛乃至十地逢無量
無邊故主彼者因見弥勒得逢星宿劫千佛此何疑也
受菩提記者此句通上賢劫諸佛亦為授記授記有四
如菩薩地說經佛告優波離佛滅度後比丘比丘尼優婆塞
優婆夷天龍夜叉乾闥婆阿修羅迦樓羅緊那羅摩
睺羅伽等是諸大衆若有得聞弥勒菩薩摩訶薩名
者聞已歡喜恭敬礼拜此人命終如彈指頃即得往生

如前無異贊曰第二段八部聞名敬喜發願往生即是
第二中品行生於中有二初明敬喜發願往生後明不
願生聞名亦利益此初也四衆八部先不犯戒亦不造
惡罪輕微者聞名心喜語發恭敬身禮拜者由因勝
劣當果雖殊天讚罪除不退值佛與前無異具三業
者中上品生唯具二業中中品生若准一業中下品
生經但得聞是彌勒名者命終亦不墮黑闇處邊地
邪見諸惡律儀贊曰此明不願生聞名亦利益有二初
無惡後有善此即初也無惡有四一不墮黑闇處若處

黑闇若闇處即諸地獄及二界中間若黑果處名黑
闇處即三惡趣及二界中間無佛法處也二不墮邊地
不墮之言貫下三句若處邊名邊即諸邊境匱賢良
處若行邊名邊即攝處邊及歲戾車達絮等處
前不墮三塗此不墮八難三不墮邪見若別邪見唯斷
善根類若不正名邪五惡見皆是四不墮諸惡律儀惡
者不善也律者法也儀者則也式也即不律儀對法
第八不律儀者有十五所謂屠羊養鷄養猪捕魚捕
鳥獵鹿宜免劫盜魁膾害牛縛鳥立壇咒龍守獄誑搆
好為損等涅槃經中說有十六牛羊鷄猪為利故養

肥肥已轉賣即以為四為利故買買已屠煞復以為四并
前為八捕魚捕鳥獵師劫盜魁膾兩舌獄卒呪龍復以
為八合前十六雜心論說十二謂屠羊養猪養鷄捕魚
捕鳥獵師作賊魁膾守獄呪龍屠犬伺獵惣有十二
三文不同沮縣獵師即攝獵鹿置兔縛魚三種對法舉
多分且說三種沮縣意通投雉之屬對法樂損沮縣中
無對法寬故沮縣初八開老別故即對法四俱彼生故
對法說攝即是兩舌名異義同雜心小宗但說重者名非
律儀餘者輕故此惡律儀亦攝一切犯戒惡行其墮邪
見及惡律儀有佛無佛中方邊方皆具有之若聞稱

勒名皆定不墮三業歸依深心歡喜四等宿願威力加
故經恒生正見眷屬成就不謗三寶贊曰此明有善
有三恒生正見翻前邪見二眷屬成就翻前不作諸
惡律儀惡律儀者惡眷屬故三不謗三寶翻前不墮
黑暗處不生邊地恒逢三寶生信向故不但中品無四
惡有三善上下品生隨應亦有欲明聞名者改八部
之異形受四生之勝體偏於中品而獨明之經佛告優
波離若善男子善女人犯諸禁戒造衆惡業聞是菩
薩大悲名字五體投地誠心懺悔是諸惡業速得清淨

贊曰第三大段二眾犯戒悔淨往生即是第三下品行生
也於中有三悔罪滅修往生二見得不退三未來
值佛初中有三滅罪二修行三往生滅罪有二者先受
禁戒而後犯之二者先不受戒造眾惡業聞名歸依兩手
二足及以頭頂五體投地至誠懺悔罪速清淨
經未來世中諸眾生等聞具菩薩大悲名稱造立形像
香花衣服繒蓋幢幡札拜繫念贊曰二修行也設不
作罪懺悔願生恒修十行定得往生一間名稱念二造
像三香供養四花供養五衣服供養六繒蓋供養七幢
供養八幡供養九身恒禮拜十心口繫念經此人命欲

終時務勸善薩放眉間白毫大人相光與諸天子兩身
陀羅花來迎此人此人須臾即得往生贊曰三往生也犯
戒造惡悔歸清淨聞名修行命欲終時亦勸善薩放白
毫之妙光滅其罪暗兩綺花之懸色長其道種佛天來
迎表慈深故須臾往生顯業勝故此中有三懺悔造像
供養禮拜及繫念者下品上生二懺悔造像供養禮拜
不恒繫念者下品中生三懺悔造像供養不恒禮拜不
常念者下品下生雖歸懺悔罪得消滅不造形像供
養禮拜等或但造形像或但供養或但禮拜或但繫
念或一稱名下品生設不生彼三會之中亦得度脫

經值遇彌勒頭面禮敬未舉頭頃便得聞法即於無上
道得不退轉贊曰第二見得不退也善報之熟見便敬
禮慈悲自是疾得聞法除不信心速得不退經云未來
世得值恒河沙等諸佛如來贊曰三未來值佛也上來
三類明九品生並內院中親得見佛速聞法也若生外院
除第九品任運後時還成不退佛号慈尊善白長故
經佛告優波離汝今諦聽是彌勒菩薩當為未來
世一切衆生作大歸依處若有歸依彌勒菩薩者當
知是人於無上道得不退轉彌勒菩薩成多施阿伽度

阿羅訶三藐三佛陀時如此行人見佛光明即得授記
贊曰第四大段懃明但有歸依不退當得度脫有三一明
作歸依處我即滅度真報之佛未逢末法弟子皆囑
慈尊令度若不見者便失大利名作歸依二歸依者當
得不退三稱勒成佛見光授記其得聖者惠賜智光其
凡夫者眼見金色多陀阿伽度如來也阿羅訶應也三藐
三佛陀正遍知也經佛告優波離佛滅度後四部弟子天
龍鬼神若有欲生兜率天者當作是觀繫念思惟
贊曰第五大段明上九品願往生者修十善行念名恭敬
等滅罪多少於中有二初樂生業滿得生後明不樂生

業亦未滿樂生中有四一令念二勸行三教願四滅罪此
初也經念兜率陀天持佛禁戒一日至七日思念十善行
十善道 贊曰勸行也但求持戒不論餘業舉其要者曰
至七日亦得往生何況多時多生修行以一切善十善攝
盡故思念之行據重者名十善道經以此功德迴向願生
彌勒前者當作是觀贊曰三教願也有行無願而行必就
未必得生慈氏所故有願無行而願必虛前既無因果不
生故所以教願與行相扶 經作是觀者若見一天人見一蓮
花若一念頃稱稱勒名此人除却千二百劫生死之罪 贊曰四
滅罪有三一逆緣注想二聞名起敬三禮拜投誠此初也逆

緣有二一有情緣二諸法緣見一天人者隨遇一有情緣
即念稱勃有若念拔無樂念與惡者念除善者念攝
勝者念求劣者念厭善友念崇惡友念拒見一蓮花
者隨遇一法緣即念稱勃好法思供養惡法思不遇惡
法欣斷淨法欣修此中且舉一有情及一法緣即念稱
勃此意惣顯作上生業三品修行者逢緣思念一切時念
不暫休廢若一念頃滅千二百劫生死之罪慈氏宿願念
者心專故致於此念阿彌陀佛滅八十劫罪滅稱勃者
願力不同慈悲深淺苦樂土殊欣心輕重有差別故如

前章中說

經但聞彌勒名合掌恭敬此人除却五十

劫生死之罪贊曰第二聞名起敬也前明修行若逢一緣二
念頃念滅千二百劫罪此但聞名合掌恭敬除五十劫
罪但發身業首不至地歸心輕故經若有敬禮彌勒者
除却百億劫生死之罪 贊曰三禮拜投誠也以首至
地晝夜相續除百億劫罪身心等歸並皆重故此為最
重第一見毫光二念頃念三聞名合掌四敬禮投誠此
四滅罪不同者輕重異故問何故見身毫相不如遙念
答見佛身相滅罪寔多良以遙念行而難生見歸崇而
易起行化之法先勸作難後勸作易行又人間苦重

欣意殊深天上樂多厭心誠淺又遙念者多念頃時長
故意念故見光者暫時聞時短故眼見故故遙念者滅
罪多見毫光者滅罪少問聞名歸念滅罪多少經有明
文造像供養功德多少答功德更多作事相續念亦大
故此中且舉少礼少念一暫歸聞若數數聽聞頻頻敬
礼朝朝供養功德更多前三品後但明得生之福未論罪
滅之相第二段中明作歸依不退利益今第三段中方明
滅罪即是惣說作大歸依令衆欣生歸崇滅罪也經設
不生天未來世中龍花菩提樹下亦得值遇發無上心
贊曰此明不樂生業亦未滿者龍花三會亦發道心其

前樂生三品業滿龍花三會並皆得道此唯發心故成
差別菩薩處胎經第二卷說偈云

汝生安樂國

不如我國苦汝說法甚易我說法甚難初說九十六
受我五戒者次說九十四受持三歸者後說九十二
一稱南无佛據實上品修六事法彼經唯言受我五
戒初會度者但舉行者修六事中一威儀不毀攝上
下品生唯一事故受持三歸第二會度者中三品中中
上品生具三業故一稱南无佛第三會度者下三品中
下下品攝唯口念故彼經且舉三中各一麤俗所修

非具顯示故不相違 經說是語時無量大衆即從座
起頂礼佛足礼弥勒足遶佛及弥勒菩薩百千匝

贊曰勸生於彼中自下第二大段衆發希願有二初
衆發希願後佛記得生願中有二一明威儀二明發願
此初也從座起者表生於彼從生死起礼二足者捨煩惱
故遶佛菩薩百千匝者顯百千生常不離故經未得
道者各發誓願我等天人八部今於佛前發誠實誓
願於未來世值遇弥勒捨此身已皆得上生兜率陀天
贊曰此發願也未得道者但舉凡夫聖隨願往不還無
學等神通可往勸勸末代故唯舉凡生不談聖往未

來值遇三會得度捨此身已方願上生 經世尊記曰
汝等及未來世修福持戒皆當往生彌勒菩薩前為
彌勒菩薩之所攝受 贊曰下佛記得生汝等及未來世
下品行者乃至一念稱彌勒名皆得生彼況能修福持
戒上品豈不生也三乘五性皆度脫故 經佛告優波離
作是觀者名為正觀若他觀者名為邪觀 贊曰勸
生彼中第三大段結成正觀為度末代慈惠勸往
經今特尊者阿難即從座起叉手長跪白佛言世尊
善哉世尊快說彌勒所有功德亦記未來世修福
衆生所得果報我今隨喜 贊曰一部之中第三大段

問名喜行分於中有四一問二答三時衆獲益四喜退
流通初中有二初讚說隨喜後正問持名此初也余時
阿難歎凡及聖功德業果故承前說皆通二感經唯
然世尊此法之要云何受持當何名此經 贊曰此正
問持名唯然者敬謹之詞此經要妙如何受持行之儀
軌復何名之經佛告阿難汝持佛語慎勿忘失為未
來世開生天路亦菩提相莫斷佛種 贊曰第二隨答
有二此答受持我今滅度末代無依故勸受持勅令
不忘為未來世衆生近受天中之法樂捨四趣之淪苦

遠示菩提之妙相出三界而超曠經在有植善根法
滅便斷佛種佛為圓覺種為惠因學故惠生不學故
種斷經此經名彌勒菩薩般涅槃亦名觀彌勒菩薩
上生兜率陀天勸發菩提心如是受持贊曰正答持名
說彌勒菩薩涅槃之事故以為名示生彼相令有瞻觀
勸進發心流通後代依名釋義如是受持受為領納
在心持為任持不忘經佛說是語時他方來會十萬菩
薩得首楞嚴三昧贊曰三時眾獲益有二一聖益二凡益
此初也經八萬億諸天發菩提心皆願隨從彌勒下生
贊曰此凡益也不但當時發心亦願未來隨下經說是

語時四部弟子天龍八部聞佛所說皆大歡喜礼佛而
退贊曰第四喜退流通得未曾有由此歡喜事訖依教
故退流通惡果惡因生於季俗之末佛前佛後長居無
暇之中欣淨土則妙行不成慕天宮乃勝因允就淨土雖
無惡染聖教自有叅老天宮雖現欲樂道理定無疑
惑厭塵境者觸諸染而不染觧欲樂者事事不染而
不染業行缺福智淺薄佛既應物機而現機凡亦契
聖境而欣生上聖上賢皆獲此業下凡下位何得越之
故行同之者皆應專習率已穿鑿望允生因自餘狀
跡具如別傳

觀彌勒菩薩上生兜率天經疏卷下

觀彌勒菩薩上生兜率天經疏卷下

太原路平遙縣僧海松
